

5.

RELATIO
FACTA IN CONSISTORIO
SECRETO CORAM S.D.N.
GREGORIO PAPA XV.
A FRANCISCO MARIA
EPISCOPO PORTVENSI
S.R.E. CARD. A MONTE
DIE IANVARII M.DC.XXII.
SVPER VITA, SANCTITATE,
actis Canonizationis, & miraculis
BEATI PHILIPPI NERII
FLORENTINI
CONGREGATIONIS ORATORII
FVNDATORIS.





BEATISSIME PATER.



ACTVS est B. Philippus Neri-
us Florentiæ, ex honestis & ca-
tholicis parentibus. Et cùm
iam inde ab ipsa pueritia egre-
gia futuræ sanctitatis præbuis-
set indicia, adoles-
cens (Christianæ perfectionis cupidus)
relictis patria, & parentibus, ac contempta
paterna, & auunculi satis opulenta hæredi-
tate, Romam se contulit: vbi Philosophiæ,
ac sacrarum litterarum studia cum pietatis
operibus, ac studio Christianæ perfectionis
coniungens, breui temporis spatio sancti-
tatis, ac doctrinæ plurimum assequutus est.
Cùm verò ad quadragesimum ferè atatis
annum peruenisset, quamvis solitariæ vitæ
desiderio summopere teneretur; tamen ius-
su confessarij, eximiæ prudentiæ, & sancti-

4
tatis viri, sacris initiatus Ordinibus, audien-
darum confessionum munus accepit. in
quo ad vltimum vsque vitæ spiritum assi-
duè, atque exactè perseverans, innumeros
è peccatorum sordibus ereptos ad piam, re-
ligiosamq. vitam, Domino adiuuante, tra-
duxit. Charitate in Deum, & proximos
fuit admirabilis; humilitate, patientia, man-
suetudine mirificè excelebat. Abstinencia
fuit insignis: virginitatē illibatam perpetuò
servauit; neque id solum, sed etiam suauis-
simum pudicitiae odorem, factoremq. impu-
dicorum hominum diuinitus sentiebat. In
dignoscendis, promouendisq. ad christia-
nas virtutes hominum animis tanta erat
peritia, & prudentia præditus, vt plerique
etiam magnæ sanctitatis, doctrinæ, & digni-
tatis viri ad eum, tanquam ad magistrum,
& auctorem consiliorum, ex omni parte
confluerent. Prophetiæ dono adeò excel-
luit, vt fortè de alio non legantur similia.
Angelorum, Sanctorumq. apparitionibus
fre-

5
frequenter recreabatur . Anno ante eius
obitum, cū acutissimis laterum doloribus
premeretur in lectulo , adfuit ei Beatissima
Virgo: cui cū obuijs vlnis toto corpo-
re in altum elatus occurreret, confestim sa-
nus effectus est . Viuens ipse plurimis appa-
ruit, & periclitantibus opem tulit . Aegros
innumeros in pristinam corporis firmita-
tem restituit . morti proximos à morte libe-
rauit; mortuumq. ad vitam reuocauit . Ex
quibus Beatus iste, adhuc viuens, Romæ,
forisque fuit in magna sanctitatis opinione;
& in maxima ne dum existimatione , sed
etiam, vt ita dicam, veneratione apud ho-
mines, cuiusvis conditionis, dignitatis, & or-
dinis; & apud ipsosmet summos Pontifices,
Cardinales, Reges, Principes, Prælatos, &
Religiosos . Et demum omnium virtutum,
& miraculorum splendore clarus; plenus die-
rum, octogesimo suæ ætatis anno obdormi-
uit in Domino, vij. Cal. Iunias, anno 1595.

Statim audita morte, cū eius corpus
in

in ecclesiam delatum esset, vt exequiæ ei de more celebrarentur, omnium ordinum hominum ad illud venerandum concursus factus est : qui maximo pietatis affectu eius manus deosculabantur, corpus Rosarijs tangebant, rosas, ac flores, quibus corpus erat aspersum, pietatis ergo auferebant; & partem aliquam vestium, capillorum, aut aliorum huiusmodi, vt apud se, velut reliquias, retinerent, habere contendebant. Quorum pietatem ac deuotionem voluit Deus etiã miraculis comprobare, & augere. Nam inter alios Augustinus Magistrius Romanus, & Margarita eius soror, qui strumis diu laborauerant, sanati sunt statim atque ad fœdretum accedere potuerunt, & manum dicti B. Philippi collo, vbi morbus infidebat, admouerunt. Et eiusmodi sanitatum gratiam plures alij ex eiusdem sacri corporis contactu sunt consequuti. Fama verò sanctitatis, & miraculorũ huius Serui Dei adeo creuit, vt statim dignus Canonizatione accla-

clamaretur; & multi viri graues de eius ⁷Canonizatione promouenda cogitarint; & apud fel. record. Clementem VIII. Sanctitatis Vestrae pradecessorem, hac de re egerint. Cuius auctoritate, viuae vocis oraculo concessa, in Vrbe, & extra, statim eodem ipso anno 1595. fuerunt receptae informationes, & facti processus super ipsius Serui Dei virtutibus, sanctitate, & miraculis: & successiue coram Paulo V. recondendae memoriae pro eadem Canonizatione insteterunt Ludouicus Christianissimus, Galliae, & Nauarrae Rex; Maria eiusdem Christianissimi Regis mater; Inclytus Senatus, Populusque Romanus; Ferdinandus Magnus Etruriae Dux; & post eius obitum Cosmus eius filius: quo ex hac vita sublato, Christina eius mater, & Magdalena coniux, Maximilianus vtriusque Bauariae Dux, Carolus Gonzaga Dux Niuerniensis, & Catharina Lotharingia eius vxor, necnon Congregatio Oratorij S. Mariae in Vallicella de Vrbe.

Ad

Ad quorum preces idem Pontifex sacrae Rituum Congregationi rescripsit, ut de praefata sanctitatis, & miraculorum fama in genere inquireret, & referret. Et habita de super relatione, inquisitione in specialem, & totam causam de mense Iulij 1610. delegauit Francisco Peniae tunc Rotae Decano, Horatio Lancellotto, & Dionysio de Marquemonte eiusdem Rotae Auditoribus. Per quos Auditores, & successiue per Sanctitatem Vestram, tunc similiter eiusdem Rotae Auditorem, in huiusmodi causa in locum dicti Horatii Lancellotti ad Cardinalatus dignitatem promoti suffectum, hic in Curia fuerunt recepti testes, & datae remissoriae: quarum vigore fuerunt examinati testes extra Curiam in diuersis locis. ex quibus ne dum praenarrata omnia fuerunt legitime probata, sed etiam plenè constitit de continuatione famae sanctitatis, innumeris miraculis post ipsius Beati mortem comprobatae. Nam Philippo statim post obitum, & suc-

cess-

cessiue tales honores delati sunt, quales in Ecclesia Catholica Beatis tribuuntur. quin, & Beati nomine communiter vocatus est; in eius honorem anniuersaria dies solemni pompa, ac populi frequentia, in ecclesijs tum Romæ, tum alibi celebrata est, & celebratur; fuerunt erectæ Capellæ, institutæ Cōgregationes, depictæ imagines cum diademat; ad illius sepulchrum habitus fuit, & habetur frequens vtriusque sexus Christi fidelium concursus. qui, cum varia obtinuerint, & in dies obtineant beneficia, miraculosa eius intercessione; ideo multa dona, signa, & votiuas tabellas detulerunt, & plura luminaria apposuerunt. & sacellum, in quo eius corpus asseruatur, publicè & palam appellatur Sacellum Beati Philippi: & miracula plurima probantur ex processibus, quorum pauca hic breuiter perstringam.

Drusilla vxor Antonij Fantini præcipiti casu ab alto suæ habitationis loco in atrium delapsa, capite, & alijs confracta membris,

B

pro

pro insanabili, & moritura ob id iudicata, Serui Dei reiterata apparitione statim sanitati restituitur.

Ioseph filius Ferdinandi Sermei, graui morbo oppressus, à medicis destitutus, & iam moribundus, ac agens animam; frustulo telæ sanguine Serui Dei aspersæ, ad illius cor apposito, statim ne dum sanatur, sed è lecto surgit, deambulat, comedit, & die sequenti domo omnino sanus, & conuallidatus egreditur.

Fr. Io. Baptista Mafia Magister sacræ Theologiæ, Ordinis Sanctissimæ Trinitatis de Redemptione, ætatis annorum 71. biennio tribus grauissimis infirmitatibus Neapoli iugiter oppressus, salute à medicis desperata, ad Beati Philippi confugit opem. & voto nuncupato, per epistolam rogauit Fratrem Paulum eiusdem Ordinis, Romæ degentem, vt in Capella dicti Beati sacrum ipsius nomine faceret, Deumq. deprecaretur, vt intercessione eiusdem Serui sui san-
tatem

tatem sibi elargiri dignaretur. Eadem die ,
eadem ipsa hora, qua Frater Paulus Roma
in Capella prædicta Missam celebrat, Fr. Io.
Baptista à prædictis tribus infirmitatibus sa-
natur; adeò vt. confestim non solum è lecto
surrexerit, sed per Conuentum, & extra li-
berè deambulauerit. Qui etiam paulò post
Romam petijt, sacellum Beati inuisit, sa-
crum in eo celebrauit, & votum quod vo-
uerat, reddidit.

Puer natus mortuus resurrexit ad inuoca-
tionem Beati Philippi factam ab obstetrice,
simul cum tactu eiusdem Beati capillorum
ad corpus mortuum.

Septimia Neria sinistro oculo obcæcata
ob grauem eius percussionem ferro ignito,
ad eandem Beati Philippi inuocationem,
& appositionem eiusdem reliquiarum ad
oculum, statim sanatur.

Anno 1601. quo tempore Nerus de
Nerijs Sacellum in honorem Beati Philippi
Romæ sumptu magnifico extruebat, acci-

dit vt eius filius Philippus, quem paulo ante (anno scilicet 1598.) dicti Beati intercessionē impetrarat, eique, deuotionis causa, Philippi nomen imposuerat; pustulis, ac feбри ita grauit̃ ægrotaret, vt iam efflaturus animam videretur. Et dum pater in vicinum cubiculum secedit, ne morientem filium cerneret; & dolore victus, piē conquereretur cum B. Philippo: ex improviso se à moribundo infante euocari sensit. cui puer dixit, auum (sic enim dictum Beatum appellabat) sibi caput contrēctasse, ac morbū abstulisse. Cuius rei veritatem exitus comprobauit. Nam, cū non multò post sanies plurimā ex pueri aure efflueret, manifestē apparuit disruptum apostema, quod in capite habebat, vbi ab auo sē tactum asfirmabat. vnde puer sanus remansit.

Ex quibus, & alijs pluribus in processu probatis, ad præfatam Sanctitatis Vestræ relationem plenē etiam discussam; & approbatam à sacra Rituum Cōgregatione; præfatus

fatus Paulus V. de anno 1615. concessit, vt dum causa Canonizationis ad exitum, qui tunc optabatur, feliciter perduceretur, posset de ipso Seruo Dei Philippo, tanquã de Beato, Officium celebrari. Post obitum Pauli placuit Altissimo Sanctitatem Vestram ad supremum fastigium Pontificiæ dignitatis assumi; cui, ob eximiam pietatem, & magnam in hunc Beatum virum deuotionem, referuauerat Deus actum Canonizationis huiusmodi: vt qui causam Rotæ Auditor maximo labore egerat, & Cardinalis summa pietate promouerat; Pontifex ad optatum finem perduceret. Renouatis pro Canonizatione instantijs, placuit Sanctitati Vestræ relationem præfatam ad sacram Rituū Congregationem remittere, iubendo nos de tota hac causa iterum cognoscere, vt posset ad vltiora procedi.

Nos autem frequenter congregati, quo decebat studio, & diligentia, negotium examinauimus: omnesq. vnanimis in eam iui-

mus

mus sententiam: videlicet, sufficienter constare de validitate processus, de sanctitate vitæ, & de miraculis tam in vita, quàm post mortem Beati Philippi; & posse Sanctitatem Vestram, si ei placuerit, canonico, & legitimo ritu hunc Seruum Dei inter Sanctos referre.

Hæc sunt, Beatissime Pater, quæ Vestræ Beatitudinis iussu coram amplissimo sacro Senatu de Beati Philippi sanctitate, & miraculis, & totius causæ statu, maiori, qua potui breuitate recensenda existimaui.

ANT 4317 176